

真智行捨所言進者具五神通所言止者遍
 知漏盡所言進者修諸念處所言止者念無
 功用所言進者正斷方便所言止者善惡俱
 捨所言進者引發神足所言止者任運作用
 所言進者諸根善權所言止者觀非根性所
 言進者攝受諸力所言止者智無制伏所言

進者生菩提分所言止者智揀擇法所言進
 者求道資糧所言止者無來往性所言進者
 求奢摩他所言止者心住寂止所言進者資
 助勝觀所言止者伺察法性所言進者隨覺
 諸因所言止者諸因遍智所言進者從他聞
 音所言止者如法修行所言進者謂身莊嚴

所言止者謂法性身所言進者謂語莊嚴所
 言止者聖默然性所言進者信解脫門所言
 止者無有發起所言進者遠離四魔所言止
 者捨煩惱習所言進者方便善巧所言止者
 觀察深慧所言進者觀察緣境所言止者無
 功用觀所言進者觀察假名所言止者了達

實義舍利子諸如是等進止之相是名菩薩
 摩訶薩惟心精進若諸菩薩摩訶薩聞如是
 等心精進相應當發起勇猛無倦具足正勤
 舍利子如是名為菩薩摩訶薩修行正勤波
 羅蜜多無有厭倦勇猛精進修習之相

十八末

大寶積經卷第四十六

烏六

勇上音堯反勅敵上音京反親昵下音挫辱上則卧反商
 法下音迦反啜食上音遑音皇斫刺下音殞鉢上音
 驚愕下音挽音晚攔楯下音關鍵下音筋脉上音
 瑟臆上音策勵上音灰燼下音

大寶積經卷第四十七

烏七

大唐二藏法師玄奘奉 詔譯

菩薩藏會第十二之十三

毗梨耶波羅蜜多品第九之三
 復次舍利子如是勇猛無倦正勤菩薩摩訶
 薩成就五種增進之法便能速悟阿耨多羅

一 漢大用刊

三藐三菩提舍利子何等名為成就五種增進之法所謂值佛出世為增進法得近善友為增進法得具無難為增進法隨所修進一切善法永不失壞為增進法於彼安住律儀菩薩摩訶薩所隨從修學為增進法舍利子是為菩薩摩訶薩修行毗梨耶波羅蜜多故

成就五法增進不退速悟無上正等菩提爾時長老舍利子白佛言世尊頗有菩薩於是五法而損減不佛言有曰何謂也大德薄伽梵何者是也大德蘇揭多佛告舍利子有五種法菩薩成就便能損減何等為五謂於佛世而不值遇於彼善友不懷親近具無難法而不獲得修習善法多有失壞於諸安住律儀菩薩心無隨學由具如是損減法故亦不速悟無上菩提舍利子何等五法菩薩成就舍利子在家菩薩為王師傅以威勢力恐怖眾生致有緣務祈請威福若為成辦如是事者重相酬謝而是菩薩觀世利故心無正直

便為作之凡所出言無非為利舍利子由如是法損減善道由如是法損減無難如是在家菩薩為養身故行諸惡行不值佛世乃至不疾證於阿耨多羅三藐三菩提舍利子名菩薩成就第一損減之法復次舍利子在家菩薩住毀城法何等名為住毀城法舍利

子若諸如來應正等覺出現世間為諸天人魔梵說法開示宣暢初中後善文義巧妙純一圓滿清白梵行爾時當有四眾出現所謂苾芻苾芻尼鄒波索迦鄒波斯迦時苾芻尼依附村城郊野館舍國邑王都為護戒故在中居止彼諸在家菩薩來是住處汗其戒眾

以毀戒故名住毀城犯是事已不值佛世乃至不能疾悟無上菩提舍利子是名菩薩成就第二損減之法復次舍利子在家菩薩見諸有依善說法律演正法時便於父母兄弟姊妹妻妾男女眷屬及諸眾生而為法障舍利子在家菩薩障礙法已於長夜中自於法

為七

二

律常多障礙不值佛世乃至不能疾悟無上
 菩提舍利子是名菩薩成就第三損滅之法
 復次舍利子在家菩薩聞佛經中如來讚說
 少欲知足出要相應獨靜山林離苦之法心
 生不信輕毀誹謗亦教他人起如是見是諸
 在家不善菩薩毀訾如來清淨教已還復沉

溺可毀訾趣何等名為可毀訾趣謂墮地獄
 畜生焰魔世界或生邊地及蔑戾車惡邪見
 中在家菩薩行是事故不值佛世乃至不悟
 無上菩提舍利子是名菩薩成就第四損滅
 之法復次舍利子在家菩薩依止國土及諸
 大臣乃至富貴有自在者行弊惡行恃為勢

力譏訶毀罵輕憊戲弄無量眾生舍利子在
 家菩薩以成就此語惡行故速能招集諸惡
 趣報不值佛世不遇善友不得無難失壞善
 根不隨安住律儀菩薩修學正法不能速悟
 無上菩提舍利子是名菩薩成就第五損滅
 之法尔時世尊欲重宣此義而說頌曰

菩薩成就五種法
 既不速疾見如來
 或為王者大師傅
 由具如斯不善業
 今多有情生怖畏
 興造如斯惡業已

鳥七

如是智慧無增長
 亦不逢事人中上
 欺詐誑惑諸衆生
 不遇世間依怙者
 若納賊賂若損害
 終不奉值人中尊

三

或令諸尼淨戒聚
 當離無量億如來
 於其父母妻子等
 又障聽聞於正法
 若人狀世樂出家
 當離無量最勝尊

破壞摧滅生悲苦
 叵得成就諸無難
 障礙不令修法行
 速感愚癡覆蔽果
 便致拘執緣留礙
 叵得成就諸無難

若有聽聞如是法
 便生不忍忿恚心
 謗毀如是正法已
 一切重障罪業中
 彼難奉見諸如來
 受女黃門生盲身

所謂讚說住空閑
 謗毀謂為非法說
 常住生盲大劇苦
 方斯十六不及一
 設見不能懷信敬
 又受駝驢猪狗等

若有於佛及菩薩 深生殷重愛敬心
遠離一切障礙已 相續修行賢聖道
父母妻子眷屬等 恒樂安勤正法中
衆生厭世求出家 讚美勸助令其果
若處眷屬正法中 當速往登賢善趣
有能讚勸出家者 速悟無上佛菩提

復次舍利子出家菩薩復有五法若成就者
不值佛世不親善友不具無難失壞善根不
隨安住律儀菩薩修學正法亦不速悟無上
菩提舍利子何等名為出家菩薩成就五法
一者毀犯尸羅二者誹謗正法三者貪著名
利四者堅執我見五者能於他家多生怪嫉

舍利子如是名為出家菩薩成就五法不值
佛世乃至不獲無上正等菩提舍利子譬如
餓狗悻惶緣路遇值鎖骨久無肉膩但見赤
塗言是厚味便就嚼之至多人處四衢道中
以貪味故涎流骨上妄謂甜美或齧或舐或
齧或吮歡愛纏附初無捨離時有利帝利婆

羅門及諸長者皆大富貴來遊此路時此餓
狗遙見彼來心生熱惱作如是念彼來人者
將無奪我所重美味便於是人發大瞋恚出
深毒聲惡眼邪視露現齒牙便行齧害舍利
子於意云何彼來人者應為餘事豈復求此
無肉赤塗之骨鎖耶舍利子白佛言世尊不

鳥七

四

也世尊不也善逝佛告舍利子若如是者彼
慳餓狗以何等故出深毒聲現牙而吠舍利
子言如我意解恐彼來人貪著美膳必能奪
我甘露良味由如是意現牙吠耳佛告舍利
子如是如是如汝所言當來末世有諸苾芻
於他施主勤習家慳耽著屎尿妄加纏裹雖

值如是具足無難而便委棄不修正檢此之
苾芻我說其行如前癡狗舍利子我今出世
憐愍衆生欲止息故專思此事為如是等諸
惡苾芻說此譬喻復次舍利子是諸菩薩摩
訶薩為欲利益安樂無量衆生故求於佛智
行毗梨耶波羅蜜多彼諸菩薩摩訶薩於已

身肉尚行惠施况復規求妄想惡肉而於他家起諸慳嫉舍利子彼諸苾芻慳他家故我說是人為癡丈夫為活命者為守財穀奴僕矧者為重世財寶玩縛者唯於衣食所欽尚者為求妄想貪嗜惡肉起慳嫉者舍利子我今更說如是正法彼諸苾芻先至他家不應

見餘苾芻而生嫉妬若有苾芻違我法教見餘苾芻或作是言此施主家先為我識汝從何來乃至此耶我為此家極為親密調謔交頽汝從何來輒相侵奪舍利子以何等故彼慳苾芻於後來者偏生嫉妬舍利子由諸施家許其衣鉢飲食卧具病緣醫藥及供身等

烏七

五

資生什物彼作是念恐彼施主將先許物施後來者由如是故即此苾芻於施主家起三重過一者起住處過見餘苾芻或起恨言我於今者當離此處二者凡所習近當言未知應與不應三者於不定家妄起諸過舍利子彼慳苾芻於後來人發三惡言一者說住處

過以諸惡事增益其家今後苾芻心不樂住二者於後苾芻所有實言反為虛說三者詐現善相諂附是人伺有微隙對眾治舉舍利子如是苾芻於他施家生慳嫉者速滅一切所有白法求盡無遺復次舍利子若有苾芻住家慳者我說是人為不善者則為棄捨菩

提資糧又為不能隨逐安住律儀菩薩修正法者又舍利子如是種相我更當說乃往昔時過於無數廣大無量不可思議阿僧企耶劫有佛出世名勝現王如來應正等覺明行圓滿善逝世間解無上丈夫調御士天人師佛薄伽梵彼佛住壽九十拘胝歲聲聞眾會

九十拘胝那度多皆是大阿羅漢諸漏已盡乃至一切得心自在第一究竟舍利子當於爾時有大長者名為善擇其家巨富多饒財寶資產僮僕無不充徧有二子一名律儀二名住律儀年在幼稚容貌端正淨色圓滿眾人喜見舍利子時勝現王如來應正等覺於

晨朝時服衣持鉢大苾芻僧左右翼從彼佛
世尊居僧上首為福利故現乞食法入彼長
者所住大城威儀庠序諸根寂定心意恬怕
逮得調順奢摩他及獲第一調順奢摩他修
攝諸根如大龍象澄靜無濁如深泉池盛德
巍巍如金樓觀色相超挺如紫金山又如大

海眾寶充盈如帝釋主諸天圍遶如大梵王
心慮寂靜舍利子彼薄伽梵有如是等威相
莊嚴長者二子當於尔時在重閣上遙觀勝
現王佛從遠而來容貌威嚴色像第一發歡
喜心歎未曾有舍利子彼住律儀童子以先
觀佛喜踊內心白其兄曰從生已來兄頗曾

鳥七

六

見如是端嚴舍靈王不兄報弟曰我從生來
實未曾見如是端嚴舍靈中王弟白兄言如
我惟忖於未來世定當作是舍靈中王舍利
子尔時住律儀童子即為其兄而說頌曰
如律儀兄今所見 我於當來定如是
大苾芻眾所圍遶 當復倍勝於今日

求菩提道因緣故 當誓不噉諸飲食
兄既樂居牢獄中 我意決定當超勝
如是一切眾主尊 譬等眾星之滿月
誰有見斯不生信 而樂居家不出離
舍利子尔時律儀童子即以伽他報其弟曰
弟當且止勿高聲 非但語言便遂事

我豈當發世語言 試誰在先成正覺
舍利子尔時住律儀童子復以伽他白其兄曰
如是無上菩提道 非但弊鄙慳心證
我當發大賢善聲 決定成佛人中上
夫懷慳者相如是 資產不欲令他知
我今豈復守沉默 尚捨身命况財寶

我以家資咸布施 為求菩提道因緣
及以兄分家財寶 盡施佛田深敬故
誰見如是最勝尊 具三十二妙相者
而不發願趣菩提 唯除具諸下劣見
所有家宅及財寶 父母并諸眷屬等
我當一切皆捨離 速往善逝如來所

鳥七

七

為世依怙作光明
百千拘胝那度劫
我見世尊入王都
如盛滿月在清天
我見世尊遊四衢
猶彼具足千光日

照世慈尊極難遇
如是勝相甚難聞
大苾芻僧所圍遶
流光洞照諸依地
周徧莊嚴於一切
獨滿虛空常徧照

我見世尊居眾首
如彼蘇迷盧山王
如來威光極熾盛
圓成妙相兩足尊
如來住大神通力
復興無量種變現

莊嚴顯發苾芻僧
映諸寶山悉嚴麗
通照此土諸群生
榮光瑩飾諸大眾
善御天龍非人等
為眾生成入王都

誰見如斯正法主
而復希趣下劣乘
我今欣覩人中尊
為利舍識趣菩提
舍利子尔時律儀童子
我於途路非懈怠

三十二相大莊嚴
唯除不肖愚闇者
發生難得清淨信
要當往覲如來所
而以伽他報其弟曰
而不速往如來所

待我下斯重閣已
宜應捐捨於我想
及求最上丈夫智
父母家宅及財寶
我今一時皆棄捨
若有欲願當成佛

當出外宇諦思惟
又不顧惜吾身命
尔乃往詣如來所
於如是等生重愛
尔乃往詣如來所
又深愛樂如來者

宜速捐諸珍寶聚
舍利子尔時住律儀童子聞是語已即於閣
上下其階道將往勝現王如來應正等覺所
未至之頃其兄律儀又從重閣速疾而下馳
詣佛所修敬已訖時住律儀後乃方至尔時
律儀兄童子即以十億無價寶衣奉獻如來

入於佛前而說頌曰
我今不求於妙相
惟願當來所獲報
一切舍靈中最勝
惟願當來所獲報
具足無上智慧藏

奉施如來無價衣
如今世尊等無異
一切妙法善安住
如今世尊等無異
諸力正勤善安住

鳥七

八

三十二相身所持
成就諸佛十種力
惟願當來所獲報
如佛所知真淨法
願賜演通如是法
我今不求妙色相

願速當成人中上
四無所畏善安住
如今世尊等無異
唯佛善住皆明照
今我速悟上菩提
奉佛無價勝上衣

唯希寂靜妙菩提
如來所住微妙法
我今為求如是法
諸法無生無老病
願為開斯寂靜法
若法無有貪瞋癡

為利諸天世間故
一切異論無傾動
敢施無價勝上衣
亦無憂愁悲嘆等
導利諸天世間故
亦無諸慢及渴愛

願說菩提與佛性
若法如來所安住
或有思慮或無思
佛住是處能通照
如發大焰深暗中
若諸一切愛無愛

無為清涼甘露法
為天龍等深敬禮
願為開斯寂靜法
無量四方諸佛土
願證如斯等甘露
性常不依於欲界

色無色界亦無依
願說如斯勝妙法
舍利子今時住律儀童子聞兄律儀說是頌
已便以一具新妙寶履奉施勝現王如來即
於佛前說伽陀曰

願我當為諸群生
為救為趣為依舍
更不履踐於邪徑
恒導群迷說正路

烏七

九

願常不習於貪欲
此乃愚夫之所行
求離一切有為法
恒值如來出興世
既逢明照世間者
便應供養兩足尊
勤求無上佛菩提
為利一切群生故
當以無量香花鬘
高妙幢幡諸寶蓋
奉獻龍中之大龍
為利一切群生故

復以種種上衣服
卧具飲食諸醫藥
俱持奉獻佛世尊
為利一切群生故
擊大小鼓吹螺貝
及奏簫管清歌等
俱持奉獻照世尊
為利一切群生故
厚味種種極淳濃
世間微妙所珍尚
俱持奉獻救世尊
為利一切群生故

廣行如是供養已 利益無量諸群生
 我於尔時便出家 精勵勤修於梵行
 當安住斯八妙道 復安無量億衆生
 願我為諸有識依 常不履於邪曲徑
 衆聖訶毀極下劣 所謂姪欲我能捐
 又當棄捐諸放逸 於不放逸恒修學

願我永不生衆難 常得生諸淨信家
 生生常見人中尊 見已於佛生深信
 既生信已修恭敬 以妙花鬘及塗香
 種種音樂供養已 為求諸佛深智慧
 如是廣修諸供養 乃經無量拘胝劫
 求斷欲法捨居家 精勤奉修清淨行

舍利子尔時住律儀童子說是頌已即於所
 讚勝現王如來之處為彼如來以赤梅檀建
 立道場高華綺飾四踰繕那縱廣莊嚴備諸
 彫麗尔時童子既立道場莊嚴成就即以奉
 施彼佛世尊又於佛前而說頌曰
 佛所安住四種住 往昔最勝所稱譽

我今欣求如是住 惟願善逝慈哀許
 若有安住是所住 心常了知無量衆
 及知過去未來生 我今欣求如是住
 若住是住至究竟 四種正勝四神足
 及四最勝無礙辯 我今欣求如是住
 舍利子尔時薄伽梵勝現王如來哀此童子

鳥七

十

受其所獻上勝道場與苾芻僧入中居止時
 彼童子既覩如來及苾芻僧受其施故心大
 歡喜踊躍無量又以種種上妙供具而為供
 養倍加恭敬尊重讚歎於半月間中無斷絕
 過是已後便於佛前除去鬚髮被袈裟衣以
 淨信心捨棄家法起於非家專志精勤求諸

善法舍利子時二童子求善法已心正了知
 於佛菩提俱發弘誓其兄律儀作是誓言願
 我最先成等正覺其佛名曰世間依怙放大
 光明其弟住律儀者又發誓言願我最先成
 等正覺其佛名曰大導商主天人中尊舍利
 子尔時律儀童子菩薩摩訶薩作是願已即

於勝現王如來前合掌而立大誓莊嚴說伽他曰

我當不復更安坐
專精勤求菩提道
我當不觀身與命
志求上妙菩提道
亦無放倚身眠卧
為利一切群生故
常捨懶惰勤精進
為利一切群生故

假使血肉都乾竭
皮骨筋脉皆枯燥
要捨懈怠及身命
精勤為趣上菩提
舍利子尔時住律儀童子菩薩摩訶薩聞兄
律儀童子菩薩摩訶薩發是願已歡喜踊躍
即於其前說伽陀曰
今當共契同和好
修行無上菩提行

興發最勝勤精進
為利一切群生故
我今薄濟於身命
隨彼血肉皆枯燥
發千精進隨兄學
為求無上菩提故
我當獨處住空閑
山野林中勤精進
常求微妙最勝智
隨住莊嚴大法王
尔時佛告舍利子彼過去世勝現王如來法

中律儀童子菩薩摩訶薩與住律儀童子菩薩摩訶薩於彼佛所發大弘誓行毗利耶波羅蜜多故精勤不懈修行正道舍利子彼二菩薩行精進時於千歲中乃至未曾如彈指頃被於睡眠之所逼奪於千歲中未曾起念欲卧息心於千歲中未曾起念欲樂坐心於

千歲中未曾一返屈身蹲踞唯除便利若食飲時便就住立於千歲中未曾再食日止一食食止一搏飲水一器於千歲中未曾起念欣樂食心如謂我今極為飢渴願當疾得如是等念初無有生於千歲中未曾一返過量飲噉於千歲中未曾起念稱量飲食此鹹此

淡此甘此苦辛酢美惡初無興慮於千歲中每乞食時一心正念未曾觀彼授食人面不生是念誰與我食為丈夫耶為婦人耶乃至童男童女皆不瞻視於千歲中居止樹下未曾仰面觀於樹相於千歲中所著衣服未曾再易於千歲中未曾一念起於欲覺恚覺害

覺於千歲中未曾起念緣親里覺若父若母
兄弟姊妹及餘眷屬皆不緣念於千歲中未
曾起念於所居家發思覺心於千歲中未曾
起念仰觀虛空日月星宿雲霞等色於千歲
中未曾起念以身依倚若壁若樹於千歲中
未曾起念以諸酥油用塗肢體於千歲中未

曾起念身心驚怖於千歲中未曾起念身心
疲倦於千歲中未曾起念懈怠懶惰放逸之
心唯興是念我今修行阿耨多羅三藐三菩
提何時當證何時當得於千歲中未曾一返
身心痛惱於千歲中未曾起念我欲剃髮唯
除四天大王時來頭上以其神力手摩持去

鳥七

十三

於彼天宮起窳堵波眾寶莊嚴而為供養於
千歲中雖有天王若來若去而心都無去來
之想於千歲中未曾起念從陰影處至光景
處從炎熱處至清涼處於千歲中於嚴寒時
未曾起念覆厚煖衣而取溫適於千歲中未
曾起念論說世間無益之語舍利子是二菩

薩於千歲中行如是等堅固精進時有惡魔
名愚癡念如我今者出現世間有惡魔羅愚
癡念者舍利子彼時惡魔與壞亂故於律儀
菩薩所經行道仰布利刀徧其行處尔時律
儀菩薩於彼刀道微失本心生利刃想適生
想已便即追悔發大音聲再返唱言咄哉奇

事我今如何住於放逸舍利子時彼菩薩所
發音聲徧告三千大千世界於上空中有百
千拘胝天魔徒黨聞是菩薩憶念音聲即共
同時語菩薩言如汝今者普告之聲深為善
說深為善說舍利子如是天聲唯律儀聞彼
住律儀於諸天聲及此菩薩普告大聲初不

聞之尔時律儀菩薩聞天語已奮發堅固大
精進欲復前經行再轉其心不緣刀刃舍利
子時彼菩薩摩訶薩降魔怨已住如是威儀
行如是妙行修如是道迹起如是大悲興發
如是勇猛精進未曾休廢復次舍利子彼二
大士於彼法中行毗利耶波羅蜜多故俱成

鳥七

十三

就是威儀行迹大悲勇猛又於千歲住空閑
林修佛隨念過是已後勝現王如來方入涅槃
爾時諸天便來告曰善男子豈不知耶如
來今者已般涅槃時二大士既聞天告即便
往詣勝現王如來涅槃林所既到彼已合掌
而立瞻仰如來目未曾捨極懷戀慕深生敬

重作是念言如來出世大慈悲者覆護衆生
同於舍宅如何一旦速般涅槃今我等類無
依無怙舍利子是二大士立如來前深懷戀
仰七日七夜足不移處不勝哀感遂立命終
往生梵世既受梵身得宿智力以大神通從
上來下至涅槃會為勝現王如來應正等覺

所有舍利起窣堵波珍寶妙物極世莊嚴四
十千歲方得成就以諸輪蓋安施其上舍利
子時二菩薩為彼如來起窣堵波已心大歡
喜合掌而立觀其福相倍加欣慶如是又經
七十千歲方始致禮因爾命終俱生瞻部洲
中大轉輪王家處太后胎舍利子彼初生已

便憶過去所經諸事作如是言我於今者應
當安住最上第一不放逸法復以伽他而自
誠曰

我今生處輪王家 廣大財食皆如意
於極放逸當捨捨 勤求無上佛菩提
財寶色欲及王位 無常迅速須臾頃

智者於斯不欣樂 勤求上妙佛菩提
若於財寶不生樂 為利舍識證菩提
應疾捨欲求出家 修行勝妙諸梵行
我昔過去無量劫 耽滯五欲為功德
若生天上及人中 未曾於彼生知厭
故應捨欲及王位 父母眷屬諸財寶

及捨國城大軍衆 出家勤求證菩提
舍利子時彼菩薩身相端正如十六少童不
樂俗網常思過患即剃鬚髮服袈裟衣以清
淨信棄捨家法趣於非家二十千歲勤修梵
行後命終已復生梵世於彼壽盡還生瞻部
舍利子當於爾時此瞻部洲有佛出世名曰

鳥七

十四

妙香如來應正等覺明行圓滿善逝世間解
 無上丈夫善調御士天人師佛薄伽梵時彼
 菩薩既遇佛已即於法中剝除鬚髮服袈裟
 衣以清淨信棄捨家法趣於非家滿拘胝歲
 修行梵行如是次第十千如來出現於世律
 儀菩薩皆得值遇於諸佛所植衆德本常勤
 精進修行梵行彼住律儀菩薩常與其兄同
 生一處修諸聖道唯於一佛不修梵行以是
 因故律儀菩薩先得成佛出現於世名曰熾
 然精進如來應正等覺明行圓滿善逝世間
 解無上丈夫調御士天人師佛薄伽梵住世
 教化經九十拘胝歲聲聞大衆有九十那庾
 多共會說法舍利子熾然精進如來與世之
 時彼住律儀菩薩爲轉輪王威加四域福德
 所被於熾然精進如來極起深信以種種上
 妙衣服餽膳飲食病緣醫藥什物衆具供養
 恭敬尊重讚歎於三月中奉獻彼佛及苾芻
 僧舍利子尔時熾然精進如來應等正覺雖

受供養爲欲覺悟彼輪王故令其憶念說伽
 他曰

若爲證得諸佛法 勇猛精進最爲上
 貪著五欲諸舍生 凡有所求難果遂
 若求義利於五欲 智者當知無義利
 汝今處在無義中 求勝義利不可得

烏七

十五

我昔與汝爲兄弟 俱發弘誓趣菩提
 尔時競列至誠言 誰速在初成正覺
 今汝見我證菩提 轉勝梵輪於大衆
 汝猶沉溺五欲家 淫荒女色恒守護
 過去諸佛常宣說 智者不應保弊欲
 是故我恒勤遠離 曾未追求行放逸

汝攝惡慧行無義 汝常安住無義業
 欲法引苦汝長迷 離欲清淨聖所讚
 舍利子時彼輪王聞熾然精進如來說伽他
 已生大覺悟深見欲過希求出家竟不辭諸
 妻子眷屬長者僚宰大小諸王亦不顧戀國
 邑人民財寶府藏即從座起往如來前一心

合掌說伽他曰

我當悉捨於家國
寧使肌肉並乾枯
復當勇猛大精進
棄捨家法趣非家
不欣緣附於五欲

要往空閑至命終
為佛菩提因緣故
利益無量諸群生
當住虛靜無為處
弊惡誑惑彼愚夫

由我陷沒欲泥中
諸欲財寶及王位
即於如來聖教中
誰有智者當親附
令我修行精進已
是故我捨諸欲樂

故使掩面而隨後
一切一時皆棄捨
專務精修無上道
誰行學藏有為行
不速成佛孰諸欲
王位財寶皆除斷

要歸佛教趣非家

為佛菩提因緣故

舍利子爾時輪王說伽他已即於熾然精進
佛所剝除鬚髮服袈裟衣以淨信心棄捨家
法趣非家道往空靜處勤修梵行於時復有
六十拘胝百千衆生聞彼輪王出家學道亦
懷淨信除捨俗相隨王出家修諸梵行舍利

子時熾然精進如來處世垂化久乃涅槃輪
王苾芻見佛滅度悲感充塞奉接如來遺身
舍利起窣堵波嚴飾供養其後不久便致命
終生觀史多天受天報盡還生瞻部洲中即
於是劫成阿耨多羅三藐三菩提名曰妙行
如來應正等覺明行圓滿善逝世間解無上

鳥七

十六

丈夫調御士天人師佛薄伽梵其佛住世滿
拘胝歲聲聞弟子有拘胝那度多而共集會
皆是大阿羅漢諸漏已盡乃至一切心得自
在已到究竟第一彼岸妙行如來安住百千
菩薩摩訶薩今於阿耨多羅三藐三菩提不
復退轉又為無量無數諸衆生等宣揚妙法

所應作已入般涅槃正法住世經餘一劫流
布舍利饒益衆生亦如我今般涅槃後舍利
廣流等無有異爾時佛告舍利子諸菩薩摩
訶薩行毗利耶波羅蜜多故安住正勤行菩
薩道應當依隨律儀菩薩摩訶薩修學勇猛
無倦精進波羅蜜多不應依附彼枯骨鎖住

慳衆生而為修學舍利子若有菩薩樂求菩提不應他家而生慳悋若復失念起慳悋時應樂觀察三種怖畏何等為三謂於他家數致來往或因乞食或復談話纏綿不已遂成親好見彼第二賢善苾芻以貪著故便生慳嫉或時微起一念志心不相隨順由是緣故

當知攝受地獄諸苦業道當知下生盲種於其心田當知生邊地業具足攝受舍利子我今為汝更說其相謂彼菩薩見諸賢善清淨苾芻來至其所輒生嫉妬瞋恚之心內雖忿結而外現清白與交言論心乃慳悋而身恒將遇隨事供擬或私處隱屏怒眼視之或以

烏七

十七

不實事用加誣謗舍利子以是因緣如是菩薩當知攝受地獄業道生盲種子植其中心雖生人道復生邊地遭諸苦楚受生盲報多被誹謗為他役使晝夜辛勤初無停息舍利子若諸菩薩說於他家起慳嫉時應思惟此三種怖畏尔時如來說是語已長老舍利子

白佛言甚奇世尊未曾有也是諸菩薩摩訶薩極為希有乃能善遇如來說是家慳出要之法善哉世尊願為我等諸聲聞衆說正法要離家慳相所以者何我等於佛法中非為不願脫於地獄生盲邊地誹謗果報常願生於中國人趣我等聲聞深欲樂聞離家慳法

惟願世尊捨無緣怨不捨我等必為宣說尔時佛告舍利子善哉善哉舍利子甚為希有汝等乃能住無浮諂請問如來如是之義諦聽諦聽當為汝說舍利子若有衆生欲隨如來修學佛法我當為彼如應願說何以故以諸衆生能隨佛學如來不違彼意必現其前

而為說故又舍利子若有衆生不樂隨佛修學正法若為彼說是人聞已則當成立鬪諍根本舍利子如是成就淨信菩薩摩訶薩行毗利耶波羅蜜多故於諸佛法廣生淨信長久大夜常樂觀察為欲救濟沉溺衆生故往如來所殷勤鄭重諮疑問義凡所敷演樂欲

聽聞既聞法已復獲廣大清淨深信歡喜踊躍倍加精進受持正法如說修行又舍利子當來之世我諸弟子少有苾芻深心希樂趣般涅槃寂靜之法多依三事以爲常業何等爲三一者常喜追求世間名利二者貪樂朋黨追求食家往還不絕三者喜樂追求華飾

房宇貯積財富什物資具是名依止追求三事舍利子是諸苾芻以依如是三種事故終不解脫三種惡趣舍利子如是苾芻不樂解脫地獄傍生焰魔鬼趣而返喜樂勤修滅盡趣天道法又常勤修相言鬪訟譏刺離間諍論之事復樂攝受心不淨信諸惡友等捨空

烏七

六

靜林依泊村落白衣俗人而爲朋黨舍利子諸在家者作如是言如是長老數來我家與我同好我當供給施其衣服飲食卧具病緣醫藥諸餘資具彼住空閑諸長老等既於俗人素無周接我等如何與之言問以此事故是諸苾芻與在家者轉相親狎更互談說但

叙世事繁雜戲論舍利子是惡苾芻樂共無良之人同止遊涉久著住處曾無移轉多覓朋黨及多食家數數瞻視躬行慶吊由此事故密懷親愛設有客苾芻來都無供給先行毀訾非法之言而客苾芻實是賢聖是惡苾芻亦不稱說汝爲多聞具戒清淨汝是預流

一來不還阿羅漢果如是等言全不稱說舍利子是惡苾芻在我法中不修我法更無餘事惟樂毀訾訶罵不息舍利子彼諸俗人爲朋黨者又作是言諸客苾芻未曾與我共住久處周旋還往舊住苾芻與我久住情事相委通致使命經理緣務以是義故我當與諸

舊住苾芻共相護悋假爲威勢舍利子以是等故諸惡苾芻於是經典若解不解一切時中皆悉誹謗毀客不信又舍利子若復有人聽聞如來所說經典如是文句差別法門常樂聽聞便信解無疑惑者必能捨離如是衆生及捨應住惡趣之業如是舍利子修行

十九末

無倦精進菩薩摩訶薩聽聞如是慳嫉等相
往惡趣業既聞是已便不自行家慳等事况
復爲他開示此法舍利子如是名爲菩薩摩
訶薩精勤無倦修行毗利耶波羅蜜多應如
是學

大寶積經卷第四十七

鳥七

蔑度上莫結反下今帝反此謂垢濁不信佛法人曰一車也 賊上則即反下音求 叵反可也 璪骨上蘇果反正作璪一相連也 涎流上似連反 齧音結反 吮食允反 屎尿上屎字同 隸今帝反執事 恬怕反 親狎下朝甲反 窞堵上蘇沒反下音觀一此云高廣梵亦云塔婆今云塔者是略也 隱屏下音泊 踣踞反

大寶積經卷第四十八

鳥八

大唐三藏法師玄奘奉

詔譯

菩薩藏會第十二之十四

毗利耶波羅蜜多品第九之四

復次舍利子菩薩摩訶薩精勤無倦修習毗
利耶波羅蜜多時於諸衆生起病者想何以

故一切衆生常是病者恒爲三種熱惱所燒
惱故舍利子何等名爲三種熱惱所謂貪欲
熱惱瞋恚熱惱愚癡熱惱菩薩摩訶薩作如
是念我等今者應以如是無上正法阿竭陀
膏藥塗傳如是熱惱衆生何以故由是無上
正法清涼微妙膏藥用塗傳故一切衆生貪

瞋癡等諸熱惱病皆悉除滅舍利子諸菩薩
摩訶薩以是正法良藥塗傳衆生今三毒滅
故是菩薩摩訶薩無倦正勤修行毗利耶波
羅蜜多應如是學復次舍利子菩薩摩訶薩
修行毗利耶波羅蜜多其相無量我今當說
舍利子菩薩摩訶薩常作是念所謂一切衆

生皆是病者何以故由爲三毒常熱惱故若
有衆生生地獄者亦爲如是貪瞋癡等之所
燒惱如是生傍生者焰魔世界人中天上所
有衆生無不爲是三毒燒惱若有衆生成疑
見等諸煩惱者亦常爲於貪瞋癡等之所燒
惱舍利子是諸衆生具煩惱病非餘良醫及